

Atvinnuvega- og nýsköpunarráðuneytið  
Skúlagötu 4  
101 Reykjavík

Reykjavík, 2. október 2018

## Efni: Athugasemdir við nýtt frumvarp til laga um endurskoðendur

Með erindi þessu geri ég eftirfarandi athugasemdir við tillögu til breytinga á lögum um endurskoðendur sem nú liggur fyrir hjá Alþingi.

### Starfsábyrgðartrygging:

Ákvæði um starfsábyrgðartryggingu í lögum um endurskoðendur er óbreytt frá núgildandi útgáfu laganna. Ákvæðið er að finna í grein 6 en þar kemur fram að endurskoðanda sé skylt að hafa í gildi starfsábyrgðartryggingu hjá váttryggingafélagi sem hefur heimild til að veita þjónustu hér á landi vegna fjárhagstjóns sem leitt geti af gáleysi í störfum hans eða starfsmanna hans. Tryggingaskyldan fellur einungis niður ef endurskoðandi leggur inn réttindi sín.

Athugasemd mín lítur að því fyrirkomulagi skylda endurskoðendur sem starfa hjá opinberri stofnun eða einkaaðila til að vera með starfsábyrgðartryggingu. Slíkar kvaðir gilda ekki á öðrum starfsstéttum í svipaðri stöðu og má þar einkum nefna lögmenn.

Í 12. gr. laga um lögmenn nr. 77/1998 er að finna ákvæði um starfsábyrgðartryggingu lögmanna. Samkvæmt því ákvæði þurfa lögmenn sem starfa hjá opinberri stofnun eða einkaaðila ekki að vera með gilda starfsábyrgðartryggingu að eftirfarandi skilyrðum uppfylltum:

- 1) Vinnuveitandi samþykkir og staðfestir beiðni um undanþágu og tekur þar með húsbóndaábyrgð á fjárvörslu og þeim störfum lögmanns sem starfsábyrgðartrygging næði annars til
- 2) Lögmaður lætur fylgja undanþágubeiðninni yfirlýsing sína um að hann mun einungis nýta réttindin innan þeirra marka er þar greinir
- 3) Vinnuveitanda og lögmanni er skylt að tilkynna Lögmannafélagi Íslands ef vinnusambandi er slitið.

Ég hefði viljað sjá sambærileg ákvæði í lögum um endurskoðendur og gilda um lögmenn. Fjöldi endurskoðenda eru starfandi annars staðar en á endurskoðunarskrifstofum og bera ekki þá ábyrgð að þurfa að skrifa upp á reikningsskil. Samt sem áður er þessum aðilum skylt að kaupa starfsábyrgðartryggingu til að viðhalda réttindum sínum. Löggiltir endurskoðendur utan endurskoðunarstofa þurfa því að greiða árlega starfsábyrgðartryggingu og er kostnaðurinn er talsverður.

Virðingarfyllt

Lilja Brynja Skúladóttir  
Löggiltur endurskoðandi

## Viðauki

### 12. gr. laga um lögmenn nr. 77/1998

12. gr. [Lögmanni er skylt að hafa skrifstofu opna almenningi, sérstakan vörslufjárreikning í viðurkenndri bankastofnun og gilda starfsábyrgðartryggingu, allt samkvæmt því sem nánar segir í 19., 23. og 25. gr.

Lögmaður getur sótt um undanþágu til Lögmannafélags Íslands frá þeim skyldum sem um ræðir í 1. mgr. á meðan hann:

1. gegnir föstu starfi hjá opinberri stofnun eða einkaaðila, enda veiti hann engum öðrum þjónustu sem lögmaður,

2. starfar hjá öðrum lögmanni, sbr. 3. mgr. 11. gr., eða

3. gegnir föstu starfi hjá félagasamtökum, enda veiti hann engum öðrum en þeim samtökum eða félagsmönnum þeirra þjónustu og skal þjónustan falla innan starfssviðs samtakanna.

Lögmaður sem leitar undanþágu skv. 2. mgr. skal leggja fram samþykki vinnuveitanda síns fyrir henni. Ef undanþágu er leitað skv. 2. tölul. 2. mgr. skal fylgja staðfesting um þá ábyrgð vinnuveitanda sem um ræðir í 3. mgr. 11. gr. Ef undanþágu er leitað skv. 3. tölul. 2. mgr. ber vinnuveitandi húsbóndaábyrgð á fjárvörslu og þeim störfum lögmannsins sem starfsábyrgðartryggingar ná til.

Með undanþágubeiðni skv. 1. eða 3. tölul. 2. mgr. skal lögmaður láta fylgja yfirlýsingu sína um að hann muni einungis nýta réttindi sín innan þeirra marka er þar greinir.

Vinnuveitanda jafnt sem lögmanni er skylt að tilkynna Lögmannafélagi Íslands ef vinnusambandi þeirra er slitið.

Ef lögmaður fullnægir annars ekki þeim skyldum sem um getur í 1. mgr. ber honum að leggja réttindi sín inn til [sýslumanns]<sup>1)</sup> og skulu þau lýst óvirk.]<sup>2)</sup>

<sup>1)</sup>L. 145/2013, 17. gr. <sup>2)</sup>L. 93/2004, 7. gr.

### 6. gr. laga um endurskoðendur nr. 79/2008

#### ■ 6. gr. Starfsábyrgðartrygging.

Endurskoðanda er skylt að hafa í gildi starfsábyrgðartryggingu hjá váttryggingafélagi sem hefur [heimild til að veita þjónustu] <sup>1)</sup> hér á landi vegna fjárhagstjóns sem leitt getur af ... <sup>2)</sup>gáleysi í störfum hans eða starfsmanna hans samkvæmt lögum þessum. Tryggingarskyldan fellur niður ef endurskoðandi leggur inn réttindi sín, sbr. 1. mgr. 24. gr.

Ráðherra skal, að fengnum tillögum endurskoðendaráðs, ákveða lágmark á fjárhæð tryggingar skv. 1. mgr. og hámark eigin áhættu váttryggingartaka.

Endurskoðandi skal fyrir 15. janúar ár hvert senda Félagi löggiltra endurskoðenda staðfestingu um að hann hafi í gildi starfsábyrgðartryggingu.